

und Streit. Fragen bekümmert haben. Hoc enim *ἐκ τῆς ἑλληνικῆς* ponit ei locutioni : gut Luthersch sterben/oder sich von der Sect der Papisten abziehen/ und zu andern schlagen. Sunt itaque Arnoldo : sich umb Meinungen und Streit Fragen bekümmern/ & gut Luthersch seyn *ἰσοδυναμῶντα* & idem significantia. Indifferentismo enim suo omnis in religione differentia inimica est atque adeò opus haud fuerat, ut Carolus desertâ unâ religione accederet ad alteram & sectario hoc malo extremum vitæ suæ commacularet. Animi tantum pietas, si beatâ defungi morte cuperet Carolus, reqvirebatur, susque deque habitâ illâ opinatiunculâ de fiduciâ in solum Christum, non in opera sua collocandâ, quæ cerebrina fides parum faceret ad beatitudinem ipsius vel procurandam vel sufflaminandam. Utrum homo solâ fide, an operibus simul vel solo etiam operum merito justitiam & salutem adipiscatur, rixam esse scholasticam, in contentioso Theologorum cerebro natam & ad verum solidumque Christianismum nihil momenti, nihil subsidii adferentem. Qui itaque Theologi tantopere disputent, Carolum solâ fide, non operibus suis innixum ex hac vitâ decessisse, atque adeò à Romanæ Ecclesiæ communionem sese separasse, eos de lanâ caprinâ disputare & Carolum iniquè incusare sectariæ illius pervicaciæ, quæ vero Christianismo è diametro sit adversa. Dubitandum enim non esse, Carolum ipsum sapientiozem fuisse, quam ut liticularum harum sollicitudine tangeretur, cujus quippe una cura fuerit, ut à rebus hujus seculi & infestissimis Theologorum altercationibus remotus DEO servire unice posset. Id ut vehementius exaggeret Arnoldus, fingit calum-

calum-